

**MOTION
AVEC DEMANDE D'EXAMEN PRIORITAIRE**

DEPOSEE PAR : LE GROUPE "AVANZEMU"

OBJET : U CORSU : A LINGUA DI TUTTI, UNA LINGUA PER TUTTI.

VISTA a decisione n°2021-818 di u Cunsigliu Custituziunale Francese di u 21 di maghju di u 2021 chì stringhje ogni sperimentu immersivu in e scole,

CUNSIDERENDU chì a lingua, primura maiò di a vita d'un Populu, arrempa una bella parte di a so strategia di riacquistu sucetale nant'à a pulitica educativa è l'insignamentu,

CUNSIDERENDU u pianu lingua 2020 è stu bisognu forte d'attualizallu,

CUNSIDERENDU u travaglione di a Direzione di a Lingua fattu sti pochi anni, accimendu cartulari propiu utili, cum'è u pianu media, a messa in anda di e case di a lingua, l'accompagnamentu di Canopé è di e scole bilingue, di u Mondu associativu,

CUNSIDERENDU l'acquisti di a mandatura scorsa inquant'à u cuncorsu di l'agregazione, u grande pianu di furmazione per i maestri di l'elementariu, l'entrata di l'immersivu in 15 scole materne pubbliche per più di 300 sculari,

CUNSIDERENDU l'impegnu di parecche generazione d'insignanti in l'educazione bilingua o immersiva,

CUNSIDERENDU e lingue minuritarie da petre maiò di u patrimoni mundiale,

CUNSIDERENDU u periculu di sparizione di ste lingue, calpighjate da un monolinguisimu di Statu,

CUNSIDERENDU l'immersione à partesi da a piccula zitellina da metudu u più efficace in l'amparera di e lingue,

CUNSIDERENDU a classifica di l'UNESCO, in l'atlante di e lingue, mentuvendu u Corsu cum'è lingua in periculu di morte,

CUNSIDERENDU i sperimenti in Corsica di scole materne pubbliche immersive dipoi settembre di u 2018,

CUNSIDERENDU chì i primi sculari di st'insignamentu entrenu oramai à a scola elemntaria,

CUNSIDERENDU chì u sperimentu attuale ùn permette un seguitu logicu di sti zitelli,

CUNSIDERENDU l'impurtanza di u percentuale di sculari corsi in lingua corsa, vale à dì più di 11000 i zitelli in u primariu in 564 scole (sia 45%), quasi 8500 à seguità corsi à u collegiu, ma solu 15%, una volta ghjunti in prima è in terminale,

CUNSIDERENDU u grande pianu di furmazione in via per i professori di e scole di l'elementariu dipoi u 2016,

CUNSIDERENDU u pianu di furmazione per u secondu gradu à prò di e squatre di prufessori di discipline cusì dette non linguistiche,

CUNSIDERENDU l'ogettivi palisati da u CPER 2021-2028, per sviluppà l'immersione sculare è sucetale,

CUNSIDERENDU u primu sforzu di a parte di u CPER lingua corsa 2015-2020 chì prupunia 17,8 milioni,

CUNSIDERENDU a pruposta finanziaria di U CPER 2021-2028, almanaccatu durante l'inguernu è u veranu scorsu, à prò d'una crescita di 50%, passendu da 17,48 à 24 milioni per a parte educativa, è à 30,4 milioni s'ellu s'aghjusta a parte sucetale ch'ùn esistia micca sin'à avà,

CUNSIDERENDU e cunclusioni lazze di u raportu nant'à l'insignamentu immersivu cummandatu da Castex à i deputati Kerlogot è Euzet,

CUNSIDERENDU perfine a necessità d'impalcà a sparghjera è a generalisazione di a lingua in u spaziu sculare,

CUNSIDERENDU u scopu naziunale di sucetà bi plurilingua,

CUNSIDERENDU a rivendicazione storica da accimà, quella d'un statutu d'officialità,

CUNSIDERENDU a forza ricunnisciuta di l'adesione di u Populu Corsu,

L'ASSEMBLEA DI CORSICA

DUMANDA à u Cunsigliu esecutivu a cunferma di l'impegnu finanziariu in u CPER 2021-2028.

TORNA À DUMANDÀ à u Statu misure à prò di u sviluppu è di a generalisazione di l'insignamentu immersivu in u settore publicu di l'educazione.

RIVINDICHEGHJA un'altra volta un statutu d'officialità per a lingua corsa nant'à u so territoriu naziunale.